

## **Pɔl saba kaplāŋ Filemu ye**

### *Syaha fla*

<sup>1</sup> Ndoo Pɔl kē, tē saba nwo yrūhū, ndoo tesē wo cīifua Timuti ne. Pe ndoo Pɔl tā nwompihi wo Yesu Crise tēn wīi na.

Wo u saba yrūhū nɔ wāā mboo Filemu kē, mboo wii raa ma wo naambiyā, ma maha ma wo tēntēwai. <sup>2</sup> Mboo, ma suhu Yesu kāndeyārfa mpāy bye ne pe pe ya wāā ma kaha wo, ma suhu wo syafua Yapya ne, ma suhu Arisyipe ne, woo wii u tēn tē wo ne Yesu Crise kē. <sup>3</sup> N le nar Yāhā ye, tesē ke Dya Yesu Crise ne, ke kayīi pye ye kē, ke maha laanyīn wāā ye kē.

### *Filemu troho wātāhā Yesu kānde wo*

<sup>4</sup> Filemu, ma wīi gboho ra laam wo. Yalebye n ma nii n pāā Yāhā ye, n ne laa yāā ma wīi na n pāā ke ye, tē syaha wāā ke kē loo wīi na. <sup>5</sup> Pe ba ma wīi pāā ra ye ma yee, a Yesu kāndeyārfa bye ntāŋ dye ma tāy cīinde, a raa maha Yesu sron ta ma Yater. Koo kē n syaha wāā Yāhā kē. <sup>6</sup> Taa Yesu ta ma Yater wo n wāā le, n le nar Yāhā ye, ke waha ta Yesu myaha n gboho, kayūhū nkāy bye Yesu tuu n pye wo kē, ma n waha ke cā naa n yō. <sup>7</sup> Taa ta Yesu kāndeyārfa bye ntāŋ n sron dye ma tāy, loo nde pe laam yīn yalebye. Le nii ra ye nuhu wīi, ma maha fānga gaa taha ra na.

*Pɔl Filemu nar u yāmpuai Wonasyimu wĩ na*

<sup>8-9</sup> Taa nwo, Yāhā ntāŋ sron dye gboho ma tāy, koo syi kē, n ga ma nar laa ne. Le yō ma maha sron Yāhā ye Yesu kānde na. Too mii, wo wĩ n tāy wii ye, n saha yee ma le pye ra kē fānga na ye. N ga ma nar wānar le ne, ndoo wii n ma wādyaha Yesu kānde na, ndoo wii pe yigi tā nwompihi laam wo ma yee, tē tee n yār Yesu Crise kānde wo, ma nii u kapān pāā nawee-ye. <sup>10</sup> Wo dya Wonasyimu wĩ ne tē ga ma nar. Nwompihi nge laam wo, Wonasyimu dye Yesu kānde wo. Loo nde na, n ga waha u yee ra dya. <sup>11</sup> Faale na, u sē pye ngaa ma ye ye. Yagaa, u ga waha laa yō wo bye kē, ndoo tesē mboo ne. <sup>12</sup> N ga u nɔ wāā ma kē. Yagaa, taa -sē cā ma yee, u wĩ gboho ra laam wo, u ma mii ndoo ge kadye dyaŋ. <sup>13</sup> N ma ne pye n ga waha ne tyii u na nii tāy, ke nwompihi wo nwo, u n naa koho le ra ye tēŋ nkāy wo ma draha wo, le ga ne tāy ra ye. <sup>14</sup> N le wũũ ma yāā, n sē yai n kai pye ma kur ye mii ma sē yer le na ye. N sē maha n ke ma kayĩ pye ra kē fānga na ye. N n yāŋ, ma'a ga kayĩ pye ra kē, le -sē pye ma laam wĩ.

<sup>15</sup> Ncā, laa na Yāhā ke le ta ma yee, u Wonasyimu u fā ter ma yaha u ga yalaa pye, tuu maha dur ba yi ma na, ye n nii yii ne. <sup>16</sup> Ma sē yāā, Wonasyimu u ma na yagaa, u puar yāmpuai na. U sē n tōr ge tōr yāmpuai ne nantāŋ ye. U sron ma wo cĩnde nampyeŋ Yesu kānde wo. U wĩ sron gboho ndoo ye. U wĩ yai le nii ma bya ye koo syi, le sya ter ra wĩ yaha. U ma ma yāmpuai, ma maha ma ma cĩnde nampyeŋ Yesu kānde wo.

<sup>17</sup> Ke ma pye n ma ma naambiyã cĩnde, taa ne ga ndoo gɛ yigi mii, u yigi ke syi! <sup>18</sup> Ke ma pye u laa pye ma na, ke ma maha pye u fue syi gbe ma ye, le ta ra yĩŋ wĩ. N ga ke draha dur ma kē, ma'a n naa ntãŋ cɛr ye. <sup>19</sup> Ndoo Pɔl kē tē u saba yrũhũ. N ga ke byɛ dur ma kē. -Taa -sē cã mii ndoŋ, tē lii pye ter ma kē, le ter ma yrã yaha.

<sup>20</sup> Áwã, ma'a wo Yĩŋfua yãŋ, ma ra laam wĩ nde pye ra kē, le ga tãy ra ye, le ra laam yĩn.

<sup>21</sup> Lii tē nar ma ye nde saba nwo wo nanga, n cã ma n gaha le pye ra yor wo, le n sya ta ter koo yaha. <sup>22</sup> Taa maha naa syãsaaha gbihi ra kē, ta laam wo n le ga ma yee, Yãhã ga ba luhu ye wãnar ye, ke ra yi yaha ye kē.

### *Syaha fla*

<sup>23</sup> Yɛpafarsyi wii u ma ra ne nwompihi wo nwo Yesu Crise wĩ na, u syaha ma ma ye. <sup>24</sup> Marekɛ ye bya ne, ma suhu Arisarkɛ ne, Demasu ne, Luke ne, poo mpãy pe ma ra tēntēwai, pe byɛ ma syar.

<sup>25</sup> Wo Yĩŋfua Yesu Crise, u kaa taha ye na.

**YĀHĀ NAAMBIYĀRFĀN SABA**  
**Karaboro, Eastern: YĀHĀ NAAMBIYĀRFĀN SABA**  
**New Testament**

copyright © 1993 Wycliffe Bible Translators, Inc.

Language: Eastern Karaboro

Contributor: WBT Central Zone

All rights reserved.

2020-11-17

---

PDF generated using Haiola and XeLaTeX on 22 Feb 2024 from source  
files dated 29 Jan 2022

15120496-00e2-503a-8d40-2d7cfdc1ba5b